

quis corpus est, sed semen, vapor aque congelatus accipitur. Sic in regeneratione Metallorum, sinistra proceditur à Vulgaribus Chymicis. Corpora Metallica solvuntur sive Mercurium, sive Aurum, sive Saturnum, sive Lunam, & corrodunt illa aquis fortibus, & aliis rebus heterogeneis, ad veram artem non requisitis, postea conjungunt, nescientes quod ex corpore humano dissectio non generatur homo, quia corruptio corporis, & seminis destructio hoc pacto præcesit. Novi Lum. Chym. tractatu 6. XIII. In Metallis, cum metallis, & per XIV. Metalla, Metalla sunt. Paracelsus XIV. Mineras præterit Metalla suis non injuria: Ad imperfecta Metalla plerique respexerunt Auctores, sed cum perfectis naturaliter fermentata. Calculum Imperfectis concedo, sed non omnibus, quem uni debeo. Spiritus non coagulandi sunt, absque Corporibus, nec Corpora solvenda absque Spiritibus; unum alterum corrigit, & emendat. Majerus pag. 109. & 110. Septiman. Philosoph. XV. Estque ideo in ipso Mercurio, prout in Elementis ratio propinqua indestructibilitatis. Siquidem in Mercurio deprehendi quoddam Sulphur Externum, Originalem Metallum labem continens; quæ quia originalis, ideo & diffinita ab eo tollitur; quæ tandem nihilominus per artem separata, aint periti, Mercurium superfluo sulphure, & humido superfluo mundatum. Quippe deinceps nullo igni potest in formam terræ præcipitari, ob simplicitatem sui maximam, quæ aquæ elemento comparatur. Amisit namque terram, i. e. Sulphur, quæ terra in centro sue essentia non minus est ex elemento aquæ, quam residuum ejus depuratus Mercurius, quam licet terram, prius ab origine sibi profundissime commistam habebat. Si ergo in pristino statu Mercurius habebat adequatam terræ & aquæ temperiem, ergo saltem post ablationem terræ illius sulphureæ pristinam indivisibilitatem amisisset, quam potius, contraria relationis habitudine, longè firmiorem, deinceps sibi in æternum confirmavit. Reperitur namque Mercurius, postquam est spoliatus isto sulphure, nullo igne mutabilis. Quia est **MERCURIUS DE MERCURIO**. Sulfur verò est mors & vita, sive vitæ habitaculum in rebus. In sulphure nempe sunt fermenta, fræcedentes, odores, saporis specifici seminum ad quasvis transmutationes. **MERCURIUS ERGO ORIGINALI LABE MUNDATUS, ATQUE VIRGO NON SINIT SE AMPLIUS A SULPHURIBUS, AUT SEMINIBUS APPREHENDI, QUIN HÆC CONFESTIM CONSUMAT, AC VELUT CONFICIAT, EXCEPTO SUO COMPARI.** Aqua fortis, & omnes aquæ ejusmodi solventes operantur super Metalla, vel Mercurium intuitu sulphuris. Spiritus Salis Marini sine alicujus sulphuris embryonati admixtione Mercurium non solvit. **MERCURIUS DE MERCURIO**, vel in Mercurio sospes manet, tam ignibus quam liquore acri. Quippe alterum sulfur est internum ipsi Mercurio, ideoque intactum in omni corrosivo, non minus, quam à destructionibus ignis & aeris. Helmontius tit. Progymnasma. Meteor. XVI. Unicus & idem liquor **ALKAHEST** omnia totius Universi corpora tangibilia perfecte reducit in vitam eorundem primam, absque ulla sui mutatione, virumque diminutione. **A SOLO AUTEM SVO COMPARE SVBTER IVGVN TRAHITVR, ATQVE PER**

MVTATVR. Idem tit. Ignota actio regiminis. XVII. Mercurius è Metallo eductus est ita univocus, homogeneus, simplex, & indivisibilis, ut sit impossibile per artem, aut Naturam, ut inde Sal aut sulfur trahatur. Divisibilis autem Mercurius nunquam ullâ ratione. Ex solâ videlicet aquâ elementalî, & virtute simplicissimi seminis Mercurialis coacti in corpus indivisibile, impenetrabile, & inseparabile quod inter generata par non habet. Idem tit. Tria prima princip. Chym. neque eorundem &c. Infinita talia Axiomata, & præcepta apud Philosophos ubique occurrunt, quæ in hac abstrusissima, & difficillimâ arte ex infinitis, & à veritate abducentibus viis unumquemque sanâ mente præditum in viam regiam facili negotio reducere possunt. Sufficiunt tamen hæc pauca, ex quibus artis studio perspicuè admodum rem totam olfacenti licebit fabricari, & concludere sequentia theoremata fundamenti firmissimi loco ipsi inservientia, & tanquam Cynosura in hoc opere difficillimo indagando omnes ipsius conatus ad optatum finem dirigentia. I. Mineralium Mercurio participantium, seu Metallici Regni limites qui transilit, longissimè à proposito scopo devians, omnesque labores frustra suscipiens, nunquam optatum finem consequetur. Metallorum enim semen specificum, & ad horum generationem propriè destinatum in nullis aliis rebus invenitur, quàm in illis, quæ ex ipso originem ducunt. Licet enim Universalis sit spiritus se omnibus rebus accommodans, ad aliquam tamen speciem non est restrictus, quam diu in universalitate sua manet, eaque de causa ineptus censetur ad opus nostrum, in quo semen specificum requiritur ad Metallorum generationem destinatum, quod Natura componit, & non Artifex, proportionum, & ponderum Naturæ ignarus. Excluduntur igitur Elementa ab hoc opere longè remota, ut & Animalia quævis, ac Vegetabilia, nulli usui ad hanc Operationem Philosophicam futura. II. Quicquid discat probè cognoscere ærem congelatum, & aquam veram Philosophicam, ne vocabulorum lusu deceptus, ad Elementa, & Elementata extra Metallum Regnum versantia, & res penitus extraneas delabatur, & longissimè à Philosophorum intentione abducatur. Habent enim Philosophi sua Elementa, suum ignem, aquam, terram, & ærem, quæ ex Elementis quidem ortum ducentia Naturæ operationi debent, quod existant; Verum ab Artifice ex Vulgaribus Elementis produci nequeunt, utpote cui nihil aliud laboris incumbit, quam ut Elementa illa Philosophica à Naturâ, producta & tradita Philosophico more purificet, præparet, & operatione sua ad propositam metam promoveat. III. Infinitis parabolis, & nominibus, quibus Philosophis placuit artem potius obscurare, quam in apertum producere, nemo moveatur, unicum sibi ob oculos ponens Naturâ in omnibus rebus procreandis progressum, qui cò tantum spectat, ut unumquodque in sua specie conservetur, & propagetur. Et enim Philosophi tot nominibus materiam suam

nuncupantes, Tropici & Metaphoricis similitudinibus ad seducendos imperitos, & indignos utuntur, imò sibi ipsis locutionibus suis ambiguus, & homonymis frequentibus contradicunt, aut contradicere videntur, faciles tamen intellectui, quibus Naturâ potestas, & operatio vera innuit. In more enim positum est apud Veros Philosophos, nihil prius & antiquius habentes, quam ut aptissima huic arti velandæ & tegendæ velamenta summo studio quærant, ejusmodi locutionibus parabolicis inter se colludere, & excludere, atque arcere eos, qui cum inimico, & infano vulgo desipere, & insanire solent. IV. Probè attendendum, & animadvertendum est discrimen inter Vulgaria & Philosophica Metalla, ex quibus illa mortua, & hæc viva, illa rejicienda, hæc recipienda, illa inutilia hæc utilia esse dicuntur. Bernhardus Trevisanus in Opere suo Chymico dicit, quod in lapide conficiendo omnia salia, atque Mineralia relinquenda & omittenda sint, pariter & Metalla sola, quæ licet arti introitum præbeant, mortua tamen sint, quamdiu in forma sua Metallica manent, sed per artem ad denam, vel duodenam sui multiplicationem deducta vivunt, & in infinitum tingunt. Vulgaria Metalla suo modo, & sua vita viva sunt, dum in mineris & venis suis adhuc sita ignem suum vivum secum habent, quo per ignem fusionis privantur, & ita mortua evadunt. Vide Novi Luminis Chymici tractatum 3. Philosophorum Metalla viva dicuntur, quia ipsorum arte à morte resuscitantur, & propterea ipsorum propria censentur. Vulgaria Metalla igne fusa, vitâ suâ orbantur: Argento Vivo vulgari, quod apertum Metallum, aut potius semimetallum, vel Spiritus Corporalis Metallicus, & Corpus Spirituale Metallicum est, coagulationem Sulphuris externi nondum expertum, ignis fusionis minime nocere potest. Mercurius Philosophicus non nascitur, sed à Philosophis arte paratus, ab ipsis etiam merito Philosophicus denominatur. Ne autem quis vocabulo hoc decipiatur, necesse est, ut duos Mercurios nosse discat, qui apud Philosophos frequenter occurrunt, Vulgarem nimirum, & Philosophicum, illum Naturæ, hunc Artis filium; illum notissimum, hunc ignotissimum, utpote solis Philosophis in hoc Mundo rarissimis notum; illum impurum, hunc purissimum; illum simplicem, hunc duplicem, utpote ex duobus Mercuriis, sive ex duabus Substantiis Mercurialibus, ex unâ radice ortis, constantem. V. Omnes Solutiones Chymicæ vulgares, quocunque modo, & quibuscunque spiritibus etiam fiant, nihil ad rem faciunt, eapropter unicuique in hujus Magni Operis constructione vitandæ, quoniam radicali Solutione Corpora Metallica non penetrant, utpote quæ ex omnibus istis Solutionibus in calces pristinum suum corpus recuperantes præcipitari possunt, atque ideo nullam sui mutationem patiuntur, & nihil in Chymia præstare valent. Rejiciuntur ergo omnes Vulgarium Chymicorum solutiones, quibus Metalla in Sales, Spiritus, Olea, tincturas, & alia similia resolvi posse fallò gloriantur, ejusmodi stentores nescientes, Mer-

curium Metallicum adeò firmiter conclusum, & suo sulfuri interno unitum esse, ut ab omnibus talibus dissolutionibus intactus, & immutabilis manens omnibus istis larvis, & fucatis formis depositis & abjectis ad antiquam suam formam, & naturam redeat. Unica & sola est Metallorum Solutio Radicalis, perficienda beneficio & auxilio Corporis Spiritus, & Spiritualis Corporis, quod ad summam puritatem ab arte deductum intima Metallorum penetralia referat, ipsorum Corpora verè destruendo, & eadem ad Operationes Chymicas veras apta reddendo. Aurum Vulgari modo solutum, & eo deductum, ut planè volatile fiat, alembicum transcendat, & in oleum flavum ac rubeum mutetur, quod variis modis fieri potest, non tamen est spirituale, sed corporale, quippe quod levi præcipitatione in corpus suum pristinum remeat: Idem & cæteris Metallis usu venire solet. VI. Totius Operationis Chymicæ cardo versatur in separatione Sulphuris Externi, quod in præcedentibus satis dilucide descripsimus, & Natura ipsa in venis mineralium separare nequivit, ab ipsâ Materia Metallica, quæ semper in Lapidem abiisset, & abiret, si ejusmodi separatio in potestate ipsius Naturæ sita esset. Sulphur illud separatur tam in ipsius Lapidis ex materia Metallica præparatione ipsam ad altiores, quàm Natura potuit, gradum evchente, & supra Vulgare Aurum exaltante, quàm in ipsâ Lapidis projectione, quæ imperfectiora Metalla per sulphuris externi & combustibilis separationem, ad eundem, in quo Natura longi temporis serie Aurum locavit, gradum brevissimo temporis intervallo, aut momento ferè promovet. Mercurius Vulgi, inquit Michael Meyerus Septiman. Philosoph. pag. 79. est materia Philosophis utilis, sed post præparationem ejus (quæ ex Vulgari fit Philosophicus) Ex Mercurio crudo non fit Lapis Philosophorum, atque ideo, Vulgaris Mercurius non est, quo utuntur Philosophi, sed, filius ejus, nempe Hermaphroditus ex Venere illi natus, & in duobus montibus habitans & educatus, VII. Cognitum habeat Artifex, quid facere velit, & ad quem scopum labores suos dirigat, videlicet Lapidem, & Tincturam, ut sciat quid sint, & ad quem finem tendant. Tinctura est Argenti Vivi purissimi substantia fixa, h. e. in omni igne perdurans, absque ulla sui diminutione, calida & sicca in subiecto humido, ideoque potius calida & humida in summo gradu. Vel est purissima pars Argenti Vivi calida, in humidum agens, qualitatibus excellentibus, & splendens substantia in Metallis, ex Argento Vivo, omnium Metallorum spermate originem ducens. Lapis verò est Vitrum fixum, & constans in igne, Lapis instar ceræ fluens, si laminæ ferreæ ignitæ imponatur, quod teri potest, & tritum croci triti colorem refert, ac Metallis suis injectum eadem in purissimum, & verissimum Aurum convertit. Vel est Argentum Vivum cum Auro debita, & Philosophicæ digestionis, & decoctionis omnes colores Metallicos successive in ipsâ materia exhibentis adjumento in fixum, fusibile, ac Metalla omnia in momento penetrans & tingens Vitrum præcipitatum. Arrige aures Pamphile & cogita, (m) 2 quale

Vulgarium Chymicorum numeror.

XIII.

XIV. Difficimen inter mineras & Metalla.

XV.

Mercurius non potest destrui. Sulphur Externum.

Mercurius purus.

MERCURIUS DE MERCURIO.

MERCURIUS VIRGO.

Compar Mercurii.

Solutioes vulgares quomodo operentur.

XVI. ALKAHEST.

Verorum Philosophorum mos.

IV. Vulgaria, & Philosophica Metalla.

Vulgaria Metalla quando vivunt, quando moriuntur.

Philosophorum Metalla viva.

Mercurius Philosophicus non nascitur.

Mercurius Vulgaris & Philosophicus.

V. Solutioes Chymicæ vulgares.

Solutio Philosophorum una, & Radicalis.

Aurum & Metalla vulgari modo soluta.

VII. Sulphuris Externi separatio, totius operationis cardo.

VII.

Tinctura.

Philosophorum præcipitatus Mercurius.